

幾度空惆悵不見驪龍照乘珠

遊輞川

許孚遠

輞川不似唐朝盛空費文人自遠來
畫上詩篇雖不改圖中景致已難猜
風生母塔搖青草雨潤丞祠長綠苔
惟有當時鹿苑在遊人到此嘆徘徊

遊輞川

張維任

爲訪王喬渡灞水不妨又到輞川隈
陌路蕩漾龍光映嶽色嶙峋天巧開
隔葉黃鸝窺遠岫啣薪白雁下層臺
探幽設有神情合未必王維畫裡來

輞川志

三

輞川烟雨

明 沈國華

右丞已去白雲留時有高人續勝遊
花洗紅粧春雨過樹連青靄曉烟浮
川原掩映山陰道洲渚縈回巫峽流
松竹人家雞犬寂一聲金磬落林邱

輞川紀遊

明 陸朝瑛

風流名跡已多年策筇山隈過輞川
心擬藍橋寒夜雪雲分秦嶺碧天烟
萬峰松色風霜沒滿壑泉聲笑語連
昔日卷舒摩詰畫今朝彷彿畫中仙

步陸兵憲輞川原韻 做杜工部體

郭顯賢

先賢圖繪在當年畫盡人間山與川
孤嵐荒院塵蒙壁一種仙風靄瑞烟
名節至今青史載宦情往昔野鷗連
散花經室知何在斷碣猶標摩詰仙

其二

昆陵作賦已多年今日相逢話輞川
百道泉聲流峪口千重翠色繞人烟
樹樹交加疎間密山山伏起斷還連
錫山攜手題詩句徙倚清涼骨已仙

輞川志

三

玉言絕

朝川二十詠

右丞云余別業在朝川山谷其遊止有孟城坳等處與裴迪間暇各賦絕句云爾後詩即以王裴為序

孟城坳

唐王維

新家孟城口古木餘衰柳來者復為誰空悲昔人有

華子岡

飛鳥去不窮連山復秋色上下華子岡惆悵情何極

文杏館

文杏裁為梁香茅結為宇不知棟裏雲去作人間雨

朝川志

三九

斤竹嶺

覆巖映空曲青翠漾漣漪暗入南山路樵人不可知

鹿柴

空山不見人但聞人語響返景入深林復照青苔上

木蘭柴

秋山飲餘照飛鳥逐前侶彩翠時分明夕嵐無處所

茱萸泚

結實紅且紫復如花更開山中倘留客置此芙蓉杯

宮槐陌

仄徑蔭宮槐幽陰多綠苔應門但迎掃畏有山僧來

臨湖亭

輕舸迎上客悠悠湖上來當軒對尊酒四面芙蓉開

南垞

輕舟南垞去北垞森難即隔浦望人家遙遙不相識

歌湖

吹簫凌極浦日暮送夫君湖上一回首青山卷白雲

柳浪

分行接綺樹倒影入清漪不學御溝上春風傷別離

朝川志

三

樂家瀨

颯颯秋雨中淺淺石溜瀉跳波自相濺白鷺驚復下

金屑泉

日飲金屑泉少當千餘歲翠鳳翊文螭羽節朝玉帝

白石灘

清淺白石灘綠蒲向堪把家住水東西浣紗明月下

北垞

北垞湖水北雜樹映朱欄逶迤南川水明滅青林端

竹里館

獨坐幽篁裏彈琴復長嘯深林人不知明月來相照

辛夷塢

木末芙蓉花山中發紅萼澗戶寂無人紛紛開且落

漆園

古人非傲吏自關經世務隅寄一微官婆娑數株樹

椒園

桂尊迎帝子杜若贈佳人椒將奠瑤席欲下雲中君

孟城坳

唐 裴 迪

結廬古城下時登古城上古城非疇昔今人自來往

朝川志

華子岡

落日松風起還家草露晞雲光侵履迹山翠拂人衣

文杏館

迢迢文杏館躋攀日已屢南嶺與北湖前看復迴顧

斤竹嶺

明流紆且直綠篠密復深一徑通山路行歌望舊岑

鹿柴

日夕見寒山便為獨往客不知深林事但有麋鹿迹

木蘭柴

蒼蒼落日時鳥聲亂溪水綠溪路轉深幽與何時已

茱萸泚

飄香亂椒桂布葉間檀樂雲日雖迴照森沉猶自寒

宮槐陌

門前宮槐陌是向欽湖道秋來山雨多落葉無人掃

臨湖亭

當軒彌澗漾孤月正裴回谷口猿聲發風傳入戶來

南垞

孤舟信一泊南垞湖水岸落日下崦嵫清波殊淼漫

朝川志

欽湖

空濶湖水廣青熒天色同艤舟一長嘯四面來青風

柳浪

映池同一色逐吹散如絲結陰既得地何謝陶家時

藥家瀨

瀨聲喧極浦沼涉向南津汎汎鷗鳧波時時欲近人

金屑泉

縈滄澹不流金碧如可拾迎晨含素華獨往事朝汲

白石灘

跋石復臨水弄波情未極日下川上寒浮雲澹無色

北垞

南山北垞下結宇臨欹湖舞欲采樵去扁舟出菰蒲

竹里館

來過竹里館日與道相親出入唯山鳥幽深無世人

辛夷塢

綠堤春草合王孫自留翫况有辛夷花色與芙蓉亂

漆園

好閑早成性果此諧宿諾今日漆園遊還同莊叟樂

朝川志

椒園

丹刺罥人衣芳香留過客幸堪調鼎用願君垂采摘

朝口遇雨憶終南山因獻王維

積雨晦空曲平沙滅浮彩朝水去悠悠南山復何在

朝川

唐元稹

世累為身累閑忙不自由殷勤朝川水何事出山流

別朝川別業

唐王縉

山月繞仍在林風涼不絕殷勤如有情惆悵令人別

又別朝川

唐王維

依遲動車馬惆悵出松蘿忽別青山去其如綠水何

入朝峪

明邢雲路

入峪疑無路尋山忽有村隔林聞犬吠或恐是桃源

渡朝水

明邢雲路

漸轉藥家瀨因過白石灘山靈如有約迴合向予看

朝川志

三

六言詩

輞川

王維

采菱渡頭風急策杖林西日斜杏樹壇邊漁父桃花源裏人家

萋萋春草秋綠落落長松夏寒羊牛白歸村巷童稚不識

衣冠

挑紅復含宿雨柳絲更帶朝烟花落家僮未掃鳥啼山客

猶眠

酌酒會臨泉水抱琴好倚長松南園露葵朝折東谷黃梁

輞川志

詩

夜春

七言絕

虛題輞川別業

唐王維

柳條拂地不須折松樹披雲從更長藤花欲暗藏猿子栢葉初齊養麝香

輞川

乘興登山瞰輞川水田夏木尚依然欲知漠漠深深處還在清和四月天

又

詩中有畫畫中詩詩因入神畫更奇今日尋幽經故里茂

輞川志

卷之六 七言絕

美

林修竹使人思

又

四顧山光接水光輞川風景信非常平生頗有林泉癖到此令人百慮忘

春日遊城南

李誼

杖履尋幽因探友灞河南渡水沾衣紅芳落盡花無數始見人間春已歸

又

輞川風柳綠於羅小院山家傍峒阿竝看王維高隱處夕

陽西下水禽多

輞川

明 秦簡玉

藍田咫尺接商顏誰是丹成出世間老鶴無聲人已遠白

雲空自鎖青山

輞川烟雨

明 李進思

柳烟桃雨輞川天詩書千年自宛然莫道右丞遺迹遠看

來只在小亭前

輞川謁王右丞祠

明 敖英

蜀棧青驄不可攀孤臣無計出秦關華清風雨蕭蕭夜愁

輞川志

三十七

絕江南庾子山

條碧同年重修輞川志書來索詩作此奉酬

南城 楊 瑛 崧雲

昔年作吏負藍田治緒絲棼縷縷牽夢到輞川空蠟屐未

蓬輞川 圖披摩詰缺題箋

仙緣未結生成俗典故重修後起賢枉索新詩書卷尾愧

無佳句繼青蓮

藍田縣文徵錄敘

道光十九年七月編藍田縣志十六卷既成復取雜家所記與舊志之被刪者條次之為四類曰掌故曰敘述曰詩賦曰雜識與先編之輞川志同附於正志之後而為之敘曰志者史也史之體貴潔柳宗元與常中立書所謂參之太史以著其潔是也潔之道如何曰不蕪惡而已矣何以謂之蕪惡曰敘次不文一也徵引小說二也冒史中藝文志之名而以流連景物之詩辭當之三也是故修志在於別偽體別偽體在於知史法也然則一切文字皆可廢乎

藍田縣文徵錄 敘

曰何可廢也昔劉知幾嘗忌史傳載文繁富欲取詔令章奏等仿表志專門之例別輯為類其法甚善而惜乎後之修史者無有用之者也一縣之中有獻卽有文其文有關乎政事者非考其文則原委不知有關於人物者非據其文則事實不著有刻畫山水吟弄風月者足以供陶情之資有諸子寓言齊諧志怪者足以備適野之樂也如之何其可廢哉乾隆中章進士學誠撰永清志始創為文徵錄而其書世不概見今之所編未知同否要非空襲之也

建胡元煥撰

藍田縣文徵錄卷一

掌故

宋英宗諭呂大忠知陝府詰

朕於用人不盡其力不奪其志均其勞佚欲臣下悅而知
勸也爾以材諳克勤於外自陝以西兵食所賴而屢以疾
告自請方州甘棠之郊姑遂爾欲坐疇卧治安其土風庶
幾少休毋亡忠報

民議

為國之計莫急於保民保民之要在於存恤主戶又招誘
藍田縣文徵錄卷一 掌故

容戶使之置田以為主戶主戶苟眾而邦本自固今訪聞
主戶之田少者往往盡賣其田以依有力之家有力之家
既利其田又輕其力而臣僕之若此主戶日益耗客戶日
益多客戶多而轉徙不定終不為官府之用今欲將主戶
之田少者合眾戶其及二頃以上方充一夫之役其兼并
之家人少而田多者復計其田每三頃執一夫之役主戶
未足以客戶足之

孔子廟學記

明 孫丕揚

萬仞宮牆巍然於藍城中者夫子之宮也其旁有廡以位

靈賢其隣有學以作藍士廟堂壯麗夙媿美矣嘉隆而來

數學之政不修棟梁之頹罔聞聖域一入始有病其陋如

何者歲己亥會天子使王公為藍田宰至見廟學廢狀撫

然而歎蓋歎難也以是作士禮神一切身任始進博士羣

髦俊定為約束月視學也必升堂必考藝必事詩書設經

問難耳提面命之惟恐不得真材以為世用彬彬威儀宛

然受家法君子以為學政之難博士又率二三子以修學

請君曰是豈可以欲速為耶乃積錙銖儲土木領以縣簿

並二學博兼治而責成之初而始有二三子曰可苟合矣

藍田縣文徵錄卷一 掌故

君曰未也繼而少有曰可苟完矣君曰未也又繼而富有

曰可苟美矣君始首肯計期蓋春秋四歷矣嗚呼易言哉

於是材取夙構匠取餘綏役取杖等之無力者而百堵始

興工先孔廟廡次之門又次之祠先啟聖文昌次之鄉賢

名宦又次之學先明倫堂齋次之墻垣坊池又次之可舊

實者莫敢廢也不多事以傷財可鼎新者莫敢因也不守

儉以從陋始事壬寅秋之七月落成冬之十月一振作而

諸廢立興奏績不三月焉是役也不損上以煩府庫不損

下以擾里甲不捐俸以釣虛名而邀譽于當路實心實政

月計歲計治官如家王君有焉藍之師友德君甚深而來
述顛末如此求所以垂不朽者孫子曰天下之政賢才成
之也天下之賢教化養之也是故教道立而賢人多賢人
多而朝廷正關係化理豈其微哉多士今遊此庠序矣固
聖人之徒也多士內省果能學聖人之學以不負立教者
望乎聖人之學布在方策猶醫之對症方然是故親愛賤
惡其病爲辟身之病也念憶憂懼其病有所心之病也聖
人以立誠爲對症之藥療此身心於百世之上多士學其
立誠療此身心於百世之下豈不同登道岸成潤身之德

藍田縣志卷一

三

推其緒餘舉而措之以正朝廷以正百官以正萬民裕如
也是在多士肯立志耳多士勗哉藍之先達呂和叔氏呂
與叔氏並遊程張之門多士耳而目者當是時皆以聖賢
事業爲己任至今海內學士大夫莫不山斗多士生同其
里能無繼二叔而學孔者出乎審爾則二華八水並不磨
矣獨修學造士一王君者榮哉王君諱邦才中州盧氏縣
人秋闈進士先尹邵陽今藍田並以卓異顯茲特學政之
一紀云

改北路碑記

謝明教

吾藍隸西安郡邑置郡之異隅古稱入關三道釋者謂昔
漢高祖除秦暴踰箕山由藍田此其一道也粵稽藍東南
經商通荆襄道險其西北抵本郡省但九十里許道係通
衢無崇山峻嶺迤連橫阻自邑北郭卡家斜起至十里鋪
塗左右違人烟稍遠且三里河五里河地形灣曲嘗有奸
逆潛伏乘隙劫奪往來人多震虞至厯官司邏卒晝夜捕
緝尤不免竊發茲我西臯王父母令藍以來幾三禩矣境
內風俗之淳漓人情之利害地里之遐邇靡不周諮何者
當興何者當祛諸凡事務振刷悉中機宜大有造於縣治

藍田縣志卷一

四

萬曆辛丑十月以呂氏伯仲四賢崛起趙宋匪直聞望一
邑寔爲闡輔文獻其祠宇傾圯靡堪妥侑守土者難道厥
責於是命工鳩材捐俸修葺不旬日殿楹門廊規制煥然
一新功已訖告邑士人爲蔚起百年文風胥於首事者稱
慶我王公因覽此祠西距十里舖止二里南去官路百步
餘東有小道村曠密比雞犬聲聞有菜子村張家寨可徑
誰卜家斜其途平坦正直中有小河設一橋卽徒輿通行
易南古道轉此北路地里遠近亦不大異矧轉北更免南
奸患何便如之且道經四呂祠前往過薦紳夙聞昔賢芳

譽一見祠宇莫不欣幸躬謁也於藍詎不重光哉遂俯思
謀及士大夫士大夫曰可詢及里胥士著人僉曰可尋卜
日命役自下家斜遵舊北道至十里舖相其地勢量其寬
狹可仍者仍可闢者闢間傷民田者則約其多寡以南官
路地償之除所償外餘四十畝有奇命挨畔者佃節年納
倉備賑數則二十二石三斗也按工周行底績役靡重費
事無甚擾君子履小人視衆咸快之評者曰禮雖先王未
之有事有可義起者王公今日遷路乃通變以宜民誠義
舉也當志不泯儒學教諭褒城鄭君儒學訓導神木王君
藍田縣文徵錄 卷一 掌故 五

建坊守官舍記

沈國華

縣故無道元無防守議是議肇於署篆鋸君而首事請上
則自貢庠諸生始蓋年來關中徇賊竊發劫掠民財流伏
整厓咸鄂間闖入是邑邑民勇鬪訟而怯鬪敵賊嘗知易

與輒數數來得志捕兵市兒有生之氣罪人杳不可得故
當道命衆請發兵且至尙乏止舍本府楊公乃捐穀廿餘
石不佞亦括囊數金屬邑尉傅君董其事不日告竣爲廳
爲室爲厨爲舖舍共若干楹周垣繞置曩辱民欣欣以爲
是將禦我侮者無何兵至而民顛蹙額矣彼寔不利於民
民何愛於彼因復羣遮道訴當事求解去當事卽爲解去
檄令本邑尉率民兵止其舍兵猶故而不捕我雞豚攘我
桑麻矣民用安堵沈子曰兵之不可嚮邇也如此國家承
平日久秦養是輩不翅驕子動輒脫巾攘臂莫敢誰何所至
藍田縣文徵錄 卷一 掌故 六

以民爲東道主民望之輒走匿朝鮮之役倭奴曰無畏我
而請兵我來梳女兵來篋女矣朝鮮經兵後每誦斯言率
哽咽泣下夫昔人欲以民兵易官兵今奈何反以官兵易
民兵也在邑纔兩閱月食穀二十餘石官俸芻豆之資如
干兩上下文檄如千宗送迎犒賞之費如干種民間雞黍
羊酒等精之遺失無算曾不聞發一矢捕一賊爲地方利
將焉用彼兵矣何邦無盜何人不可捕盜而乃需之兵以
基害也書生不解兵事悔之奚及舍成當紀歲月敢僭綴
言未簡庸告來者永爲殷鑒云

王大令修理記

李東

余嘗於治邑而得治天下之道何者邑小天下大治邑者之於天下特在引伸觸類擴而充之之間而已其道無二也治天下者以天下為家以京師為室以四海為藩籬以宰執六官百執事為服役奔走之屬然則治邑者不有則於是乎邑有屬其家也有治有城與池其室也有界域其藩籬也有士有民有府吏里胥譬則宰執六官百執之類也故家不可不理室不可不治藩籬不可不清肅士民胥吏不可不處以道也夫如是則治邑者於興作之功可但

聖賢之政錄卷一掌故

七

已乎吾邑之城之制舊甚小故廟宇公署廨室之類皆在其中勢不能不小就焉若此者百餘年於茲矣嘉靖甲申夏余奉命出按南服假道家山省邱壠入其城則城無舊制加大三之二增東西二門次謁廟至學次拜邑侯至縣次及親戚故舊無弗訪里巷悉曲無弗至者次又答過客之禮至所改藩臬二司皆縱觀焉但見一水環流諸凡改色曰是皆邑侯之力之更作也而民力是錄在聖人必重在春秋必書余曰是誠不可不書也按狀知城高三丈有奇池深二丈濶一丈有奇周圍計五里有奇城北建教演

武有亭移城隍廟於城東隅僧會司之右移明倫堂於文廟之東即城隍廟舊址堂之後為饌堂左右為兩齋齋之後為號房各若干楹前有儀門有庠門各三楹廟後建名宦鄉賢祠左右為倉庫各一所即明倫堂舊址廟之西為射圃觀德亭中門各三楹大門一楹規畫詳備其縣治大畧倣是增制於舊亦三之二也夫高城深池即易之所謂重門擊柝以待暴客蓋取諸豫坤下震上豫利建侯行師故彖曰豫之時義大矣哉象曰雷出地奮先王以作樂崇德是也公宇廨舍即易之所謂上棟下宇以待風雨蓋取諸大壯乾下震上大壯利貞故彖曰正大而天地之情可見矣象曰雷在天上君子以非禮勿履是也易聖人之制作本於卦而君子之制作當準夫易是故家理智之周也室治義之利也清肅德之武也宜民宜人禮之達也治周則用和而治所由興義利則體立而治所由正德武則勢尊而治所由嚴禮達分定而治之本所由立矣夫是之興作以之君子於此可以觀政與教矣政教舉治道得天下不足治矣故曰於治邑而得治天下之道余於邑侯有取焉邑侯姓王氏名科進卿字河南涉縣人以進士出守邑

聖賢之政錄卷一掌故

八

博教諭祥符李君維機訓導西蜀官君澤州都君吾友余曰棟黃曰金程曰霓安曰世譽皆來徵余言爲記者余監察御史邑人李東記之也

祭告田祖辟蝗蝻文

李元昇

藍田小邑也地僻民愚俗奢而侈地僻則無商賈之利民愚則鮮貨殖之才俗奢而侈則不能食時用禮以爲三年九年之蓄以故爲藍民者惟望東作西成上裕

國課下充家食已耳昇承乏茲土六載於茲幸而託賴田祖有神體天心之仁愛捍災患於田疇時和年豐歲獲大

盡日錄文徵錄

卷一掌故

九

有神之賜吾民者何其厚昇之感神庥者亦靡有既矣乃今夏秋之間他邑雨澤愆期而藍邑之苗獨鬱鬱蔥蔥昇方私心自慶以爲雖有軍興旁午之煩而神功浩蕩幸無水旱菑異之警爲吾民者庶可仰有所事俯有所資矣夫何父老具告蟲螟殺禾昇聞之不覺心膽墮地竊念神體物而依人有感而必應胡爲乎獨於吾邑降此殃其或在下者孝友罔敦作奸犯科有乖彝倫耶抑或在上者政刑不明是非倒置有干天和耶此皆昇之教有未立政有未修故至此耳終當食昇之肉膾昇之心以爲汚吏者戒何

爲荼毒我百姓也不然以吾民仰事俯育之資降此螟螣蟲賊之害揆厥好生之心當亦不忍爲也今者備祭虔禱伏冀大顯神威殄滅此類蘇我蒸黎昇無任虔禱之至

按原本頗有不雅馴處茲從李君文集中改本

彩修崇聖祠櫺星門記

李文漢

天地清淑之氣生茲多才而山川鍾毓之靈徵諸文教余於辛未歲夏杪奉委兼署藍篆謁見文廟雖未崧隆而典制無缺惟崇聖祠側居宮牆東首櫺星門與照壁逼近不滿五尺而墻垣頽敗又將鞠爲茂草矣方今

盡日錄文徵錄

卷一掌故

十

聖天子雅化作人各上憲振興學校令斯土者敢不仰體德意力任修廢舉墜耶余於癸亥歲任杜亭至今九載其間修城濬渠建郵館葺鐘樓事不一類惟以捐修學宮幫改崇聖祠爲先務於茲五日京兆曷敢告勞爰與學博宋君淮君計籌余首捐廉俸先置物料隨邑之紳士踴躍樂輸鳩工庇材將崇聖祠移建大成殿後以尊體制移文昌祠於學宮東首以免障蔽而孝子祠夾雜於鄉賢名宦之中亦非規式改置於文昌祠之側庶幾位次各得其正補

櫺星門移照壁去五丈之外而雲路並通學宮兩旁添

建德配天地道冠古今二坊又添置禮門義路等坊凡此未備者增新起工於是歲秋八月朔有七日漸次告成則見夫文峯聳翠於前玉山藍水映帶於左右藍回鎬京勝地也湖懿美於前哲柳川柳莊諸名賢迭出不一今而後家敦禮讓人習詩書蟬聯鸚舉科不乏人蘊清淑之氣而培鍾毓之靈篤生

王國羽翼

聖朝鴻圖太業媲美前烈炳燿千古是則余之厚望也夫是為記

藍田縣文徵錄

卷一 學校

二

重修藍田縣學宮碑記

吳祠富

古者興賢育才國學之外並建鄉學凡所以明人倫廣教化儲英傑收實用也故肄業其中者經明行修之士往往而有釋褐登朝勲業爛然昭人耳目者亦此焉發軔學宮之建所關顧不重哉况

先師之俎豆於是乎在則夫宮墻數仞自殿宇以達橋門體制之崇宏經營之盡善匪惟肅觀聽實以妥神靈也

國家定鼎以來右文重道成均設於首善而直省郡邑庠序森然文教之昌明即遐陬僻壤亦無不煌煌乎觀芹藻

之光焉而且董之以師儒嚴之以課程守土之吏復以時講學行禮蓋其所以陶鎔乎士者至範圍乎土者深矣宜乎炳炳烺烺名儒輩出地靈不勝鍾而天荒不足破也而或士氣不揚文風莫振間有一二拔俗之士又或譽流鄉曲而名不列於賢書品重膠庠而身不通於仕籍若斯者將潛修之未遂歟抑數之奇遇之艱歟或者謂翼宮為士人出身之地規模位置之未當則文明之氣湮鬱不伸此陰陽家說似無足信然用其說者頗亦有驗余嘗以理斷之學宮者

藍田縣文徵錄

卷一 學校

二

先師之靈爽所式憑也使規模湫隘位置失宜則神靈為之不安其獲戾在天者已無可道尚將欲人文鵲起科第蟬聯豈理也哉今年秋余按試商洛道出藍田明經張士澣謁見具道儒學崇聖祠偏居聖宮左側而文昌祠大倉壅蔽於前孝子祠亦間雜於鄉賢名宦之中櫺星門日久傾頽且與照墻逼近神路不通人文科第之不顯職茲之故適鄆令李君來署斯篆合邑呈請改修而李君首先捐俸為合邑倡丐余為文以志其概余嘉李君之能崇本也善觀學也廣樹人也其廣文與紳士又復踴躍襄事不日

觀城神靈安矣氣運之轉有日矣自茲以往正學術敦行裕才猷處則思為純儒出則期為名臣以無負國家與賢育才之至意斯又多士所宜盡人事以應氣運者余蓋有厚望焉

重修注水橋樂輸引

李文漢

粵稽夏令九月除道十月成梁子輿氏明其為王政之所
有事也又聞之易曰山澤通氣橋梁者通山澤之氣者也
是以天有三百六十五度天氣不通則天時戾地有九川
七舍五億萬七千二百九里地氣不通則地維絕張子曰

皇朝志卷一

三

根於天者不滯於用根於地者不滯於方由是觀之凡橋
梁之傾頽閉塞非特山澤之氣無由通其於天道人事亦
可知也藍邑西達會省南通商洛往來行旅絡繹不絕其
北郭外五里許為橋者三皆跨澗架梁以通行者其中橋
則葺自前令鄧公迄今六十年矣歲久土石崩剝木漸朽
蠹支離動搖過者咸顛越是懼鄉約黨柱等目覩虹亘
焉心動遂持簿謁余以修橋請余自代篆茲土凡學校公
廨有關治化不敢以五日京兆不急為修舉矧此橋當孔
道過客輻輳顧昧子輿氏之明訓而致來儒軌蹇裳之嗟

乎遂量捐數金以為之倡且願邑之紳士里民暨四方好
義善士共輸金錢以作邪許之助行見落成有日往來無
阻山澤之氣通而地維順天氣應將諸好施者之福慶交
集其於人事之感召亦自有不爽者遂為之引

移建明倫堂學署小引

蔣文祚

國家凡建都邑必立廟以妥

先師設學以明人倫其制蓋以崇盛德端教本培士習而
厚民風典至鉅也藍邑為關中名區玉山藍水久擅名勝
唐宋以來理學名儒文章鉅公載在史冊者代不乏人余

皇朝志卷一

三

三

奉

簡命承乏茲土竊心焉慕之以地屬名勝凡夫典祀攸關
風化所基其規模制度必有迥邁尋常者迨蒞任伊始首
謁

先師廟見其殿陛次置雖未宏敞而典制猶具及視學則
堂宇傾欹齋舍無存幾鞠為茂草且廟居異方而學立乾
地未合典法詢其所以僉曰曩者廟學原同居西北自前
任張公以青鳥家言遂遷廟今地而學則仍然舊址比年
剝蝕於風雨前此欲修未果因漸至此余不勝怛焉方今

聖天子崇儒重道數詣辟雍各上憲雅意作人振興學校而顧令茲土學舍嘔沓儀式簡陋師儒無坐立之次閭民鮮瞻聽之所其何以仰體我

國家鼓吹休明之盛歟爰與博士宋君淮君暨紳士張士淳等謀欲爲重修移附廟側而工程浩大恐權輿之莫承除余捐俸外不能不望我士民共襄厥事夫古者天子之元子公卿大夫之適子以及凡民之俊秀者無不學學固上下共之者人苟非甚愚其父兄莫不欲子弟向學而資教始則導諸里塾繼則登諸庠序庠序者教學明倫之

蓋曰縣之徵錄

卷一掌故

基也則今之修葺諒我士民必有同心况茲邑比歲較他邑幸邀天眷頗獲豐稔誠能有志向學各捐金一二使堂廊齋舍煥然一新吾見膠庠序而士氣自奮將不惟人文蔚起科第蟬聯且家敦禮樂戶習詩書莫不各孝弟力田則士習民風於焉丕變雖古昔盛事詎不可再見於今日耶願與多士共勉旃焉

灞水建渡記

蔣文祚

灞水源出秦嶺北行百里許折而西經邑之南郭不數里又折而北迤邐以達於渭凡商旅人民之往來者南抵商

洛西出鹿原皆所必涉焉河自山而瀉俯囿邑居勢若建瓴又石累繁然狼籍沒底噴礮冲湧涉者靡不心悸色移稍遇漲溢則行旅阻絕甚或飄溺不免 大中丞榕門陳

公既開道南山商旅絡繹因思造橋跨水使行者不復阻礙委員相度而水底盡屬亂石飄泊莫可根據且河流峻急挾石冲突卽橋成亦易壞遂以勢不可而止余忝牧茲土仰承 公諄切至意每詳睇水濱相厥機宜見其淺灘急瀨誠難負舟而滌洞停蓄之處未嘗不可以舟濟也爰捐俸募助庀材鳩工造船二一置南郭外一設西原麓招

蓋曰縣之徵錄

卷一掌故

六

舟子以渡葺不利焉自是負者担者乘載者徒步者如遊康莊如履平地相率而忘其昔之險也夫陸用車馬水需舟楫此本尋常事耳然灞水之用舟自昔不一聞是余今日之舉有似於創夫創而繼之後將遂以爲常矣余甚不欲今茲獨居於創也而深願後之人視以爲常也踵而修之永矢勿替上不負 中丞公惠愛之心下不使吾民有病涉之歎此則余之志也夫因其事記之石並泐助者姓名於左

七盤坡烟洞溝等處修路記

蔣文祚

藍田南達商洛西抵省會邑南八里許卽七盤坡至龍駒寨數百里皆在萬山中有所謂鷄頭劉郎瓜坡等關其阨塞峻峭崎嶇坎陷固弗利於行旅而較甚者莫如烟洞溝桃花砭二處白石掘車兩河一遇雨雪往往覆轡斃馬咸稱勝於蜀道之難乙丑歲大中丞榕門陳公捐金三千委員募工開鑿險者平之坑者堙之頓成康莊自是秦楚吳粵牽車服賈熙熙攘攘前後相望咸云便焉越今四載山雨冲突人畜蹂踐其坎坷幾如舊余承乏茲土深懼中丞公往蹟漸就傾弛爰領工匠自山麓火燒寨起以及

藍田縣志徵錄

卷一掌故

七

商之接界止逐一勘驗按段計工估需銀四百八十餘兩除捐俸之外凡皆勸助將擇日而舉事焉時坡底村暨藍橋居民王統等詣余而請曰開道便民誠惠政也然須爲經久計山逕勢多陂陀橋梁時宜增修不然雖目前填砌堙塞暫若平坦然行旅日蹙不免旋踵復敗山雨時激不幾半途復阻則前究爲可惜統等居近道旁願永襄厥事今茲舉役惟期計工授食按器給價餘不欲多取直俟工竣願以其贏者息之按歲出息以分給統等若稍有崩損統等隨時修治可永俾勿壞余曰善居附近則舉事便按

時修則工不勞銀有息則用不竭斯誠經久之善策也爾等其勉之余如若言卽計工給價事旣竣以其餘分諸典商營息以爲每歲費已而歎曰事歷久則弊生弊生則事仍費今者不詳始末以詔後後將何以券而守之令斯役之不墜乎因泐其事於石並鐫募助者姓名於左方以爲好義者勸

青泥坊渠口碑

蔣文祚

從來足民不外重農勸農莫先水利蓋水利興而乘天因地以備荒旱功甚鉅也是以

藍田縣志徵錄

卷一掌故

六

國家惠養斯民尤加意於水利而專責水司俾不時勸相以康濟羣黎况陝省幅員遼濶其需水利較之他省爲更急凡有川澤溪澗所屬州縣督撫大憲無時不以興水利殷殷下詢揆厥盛心務期因勢乘便使利無遺利也余甫蒞藍邑竊憶幼讀杜詩有飯煮青泥坊底芹之句遊覽其地撫茲村墟距灞水不遠引流堪成膏腴而竟石田棄之詢諸耆老僉云舊有渠口淤塞久之遂與周生蕃嗣暨鄉約樊瑞龍等謀順其水勢自蔡家灣小河口開鑿田河心引流至袁家巷南依紅崖係李化民地僅三分年公捐給

租小麥一斗五升稻六斗經粟家村李國壽地渠底濶三尺口濶一丈五尺其淺深或五六尺七八尺不等至粟君柱等地共一畝年公捐給租小麥五斗稻二石其餘地均係青泥坊舊渠並無租粒雖公費無多而利賴寔大遂莫不踴躍趨公事在乾隆十二年春及夏而已灌田二十畝越一年而倍之迄今甫三載又倍之計其田共數頃有奇村中周生居民頗獲其益懇為文泐石以志不朽余念此舉不過因利利之何功德足云但恐年湮日久或豪強從中阻撓或復漸就淤塞使萬世樂利仍棄諸草莽誠可惜

臨邑縣之徵錄 卷一 掌故

九

也姑為之記

修理街道疏

蔣文祚

粵稽周禮司空視途夏令九月除道則知道路間固王政所有事也是以先王布令凡高卑險易以及亭障藩委罔有勿飭况通衢中商賈輻輳人民絡繹而不為之修其底滯平其淤塞使砥矢之頌罔聞而致來道弗不治之譏也可乎哉監田南達荆襄西連省會固往來輻輳之所必經也城闕之中街頗湫隘兼以水道不修一遇陰雨便汚穢泥濘行旅維艱過者病之余亦甚為民病思有以修飾之

而未果適遇鄉約等以修街請余甚嘉焉夫余承乏斯邑苟有便於民者雖非令典所載尚思釐舉矧斯事有關政治者乎遂詢其規畫若何曰水流冲激斯土易崩壞而坎陷壅淤之弊生焉余謀兩旁鑿溝使水有所洩而不滯中甃以石使上有所平而常堅則永久無虞之策也又詢其工費何出曰街之東西各屬廛肆食地之利應供地之役計地而分之使家自為謀斯勞均而功易也余曰善爾等歸與眾謀修厥播搗通厥甃石定厥疆界計日而營之勿亟勿怠事竣余嘉乃績焉其勉旃勿忽遂疏其言於簿端

臨邑縣之徵錄 卷一 掌故

二

勸捐社穀示

蔣文祚

歲書大有勸捐餘粟設立社倉以濟貧農緩急事照得藍邑比歲豐登今年較為更稔凡我紳民莫不歡樂共慶昇平但趁此耕九餘三之候正當樽節備貯以防水旱不齊而備貯之法莫善於社倉陝省社倉廢置已久雍正二年

欽奉

上諭令直省督撫董率有司酌量設立前撫圖公首創捐銀通飭勸捐於雍正七年前督岳公奏請將五分耗銀買穀分貯各縣動用帑金修建社倉至雍正八年始得立定

心相沿到今藍田已立七社現在資借源源惟石佛寺
舊倉未經舉復附近居民不能於青黃不接之時借領接
濟深為扼腕本縣久有成心欲為興復惟以貯穀非千石
以上不敷出入資借自揣力綿恐貽道旁作室之誚今歲
幸各村田地豐收逾於他處昨本縣親詣該所邀集紳士
鄉耆告商其意忻得諸賢義一仁同咸相踴躍各願捐輸
落成斯事正毅氣之可嘉樂善之可敬不勝為之忻愉即
捐穀五十石以為之首創第所籍甚多非數紳士鄉耆力
能擊此巨任猶賴吾民各破僿囊共襄義舉庶可告竣於

藍田縣文徵錄

卷一 掌故

三

今冬出借於來春也除出示勸諭外合給印簿送交首善
分村廣勸如在糊口維艱家無餘粟者不必勉強其他則
挨戶勸輸自二三斗起至數十一石及數石至數十百石
各隨其力量在豐裕之家不可慳吝致貽鄙嗇之譏樂善
之人須當自量萬勿有登而無給務期顆粒合勺俱歸實
在毋使千百石斗紙上空設又當知今日輸之於倉者明
年即可領食於家名曰好施實乃自備如此名實兼收之
善舉諒吾民無有不樂從所有社倉條約給發存公以便
出借收入時遵照辦理所有捐穀至條約各等數目者大

縣自當分別獎勵以風樂善好施決不沒人之德也幸其
體余誠勿辜所望

重修藍田縣青泥坊渠碑記

道光乙未

胡元煥

青泥坊在縣東三里許俗名土膠河又名白馬谷水明嘉
靖二年王公科所鑿也引水入城中民享田園之利日久
渠廢

國朝順治間蘇公就大顧公其言郭公顯賢繼修之嘉慶
間莊公達吉復修之不數年旋圯余蒞玉山之次年徧歷
原隰得故渠遺址借邑紳張翰仙廩生王日升等謀順水

藍田縣文徵錄

卷一 掌故

三

勢自蔡家灣小河口疏鑿橫築渠堰墊以石板中開渠口
當伏秋盛漲之時啟板洩水不致沖激損堰水落則閉板
蓄水導使入城較從前堵塞之法頗善以下依崖疏鑿於
韓家村破高崖二百三十六丈迤杜家村入城東南隅出
西北隅渠底濶六尺口濶一丈五尺深或五六尺七八尺
不等灌田七頃有奇利賴實大且是秋張生四美以第八
人舉於鄉咸稱修渠之舉於風水尤有裨焉邑人士因壘
為文記之爰述顛末以示來者時道光十五年歲次乙未
九月九日也

煥做開口之制業經試驗因用費不敷未能
堅固此後修渠宜於向砌渠口以麻繩繫